

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**Uunga siunnersuut: Eqqumiitsuliornermik ingerlatsineq pillugu Inatsisartut inatsisaata  
allanngortinneqarnera pillugu Inatsisartut inatsisaat nr. xx, xx.xxx 2019-imeersoq  
(Eqqumiitsuliornermik ingerlatsineq tamassuminngalu siammarterinermut  
aningaasaateqarfimmik tapiissutinik aqutsisussamik pilersitsinissamut inatsisitigut  
tunngavissat)**

*Ilinniartitaanermut, Kultureqarnermut, Ilageeqarnermut Nunamullu Allanut  
Naalakkersuisumit saqqummiunneqartoq*

**Pillugu**

**ISUMALIUTISSIISUTAA**

**Siunnersuutip aappassaanneerneqarnerani saqqummiunneqartoq**

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq  
suliaqarnermi kingullermi makkuninnga inuttaqarpoq:

Inatsisartunut ilaasortaq Doris J. Jensen, Siumut, Siulittaasoq  
Inatsisartunut ilaasortaq Peter Olsen, Inuit Ataqatigiit, Siulittaasup tullia  
Inatsisartunut ilaasortaq Mala Høy Kúko, Siumut  
Inatsisartunut ilaasortaq Nivi Olsen, Demokraatit  
Inatsisartunut ilaasortaq Sofia Geisler, Inuit Ataqatigiit

UKA2019-imi ulloq 3. oktober 2019 siunnersuutip siullermeerlugu oqallisigineqarnerata  
kingorna siunnersuut Ataatsimiititaliamit misissorneqarpoq.

**1. Siunnersuutip imarisaa siunertaalu**

Matumuuna siunnersuutikkut eqqumiitsuliornermik tamakkuninngalu siammarterinermik  
ingerlatsisunut tapiissutissanik tamakkiisunik tamakkiisuunngitsumilluunniit  
aningaasaateqarfimmik isumaginnittussamik pilersitsinissamut inatsisitigut  
tunngavissisoqarpoq. Aningaasaateqarfiup sullissinerani malittarisassat pillugit aamma  
naammagittaalliorsinnaanermut nakkutilliinermullu aalajangersakkat tassungalu atatillugu  
kingunerisinnaasaanut naqqiutinik siunnersuuteqarpoq. Naggataatigullu aningaasaateqarfiup  
ingerlanneqarnerani, katitigaanerani il.il. pillugit malittarisassanik aalajangersaanermi  
pisinnaatitsissutinik arlalinnik siunnersuuteqartoqarpoq.

## 2. Tusarniaanermi akissutit

Tusarniaanermi akissutit inatsisisatut siunnersummut ilanngunneqarput, tamatumani inatsisartut siulittaasoqarfiata ilusiliinissamut piumasaqaataa malinneqarpoq.

## 3. Ataatsimiititaliap siunnersummik suliarinninnera

UKA2018/164-ip suliarineqarneranut atatillugu piumasaqaatit inassutilu pillugit aalajangiinerit eqqumiitsuliornermik inatsimmi<sup>1</sup> allannguutissatut siunnersummi Naalakkersuisut malinniarsimagaat, ataatsimiititaliamit paasineqarpoq.

Siunnersuutip siullermeerneqarneranut atatillugu ukiup ataatsip imaluunniit ukiuni arlalinni legatimik tunniussisinnaanermut periarfissat pillugit apeqqut qaqinnejartoq ataatsimiititaliap maluginiarpa. Ataatsimiititaliap paasinninnera malillugu pineqarpoq Naalagaaffiup eqqumiitsuliornermi aningaasaateqarfiata ataaqqinaammik inuuneq naallugu tunniuttagaa<sup>2</sup>. Danmarkimi inuit 275-it Naalagaaffiup eqqumiitsuliornermi aningaasaateqarfiata ataaqqinaammik tunniuttagaa pisinnaavaat. Eqqumiitsuliorqoq inuuneq naallugu eqqumiitsuliornermi ataaqqinaammi tunniuttakkamik tigusartagalik toqugaangat, eqqumiitsulioratumut allamut piumasaqaatinik aalajangerneqarsimasunik eqqutitsisumut ataaqqinaammik tunniuttagaq tunniunneqarsinnaavoq. Tunniunneqartartoq isertitaqqortussuseq malillugu naleqqussarneqartarpoq, taamaasilluni eqqumiitsuliorup isertitani ukiumoortumik nalunaarutigisussaavai. 380.000 koruunit ukiumut isertitat qaangersimappatigit eqqumiitsuliorup ukumi pineqartumi tunniunneqartartoq pisinnaanngilaa<sup>3</sup>. Taamatut nunatta karsianut pisussaaffiliinissamik naliliineq inatsisitigut ersarissumik tunngavissiinissaq ataatsimiititaliamit Naalakkersuisunut naliliiffigeqquneqarpoq, Naalakkersuisullu kaammattorlugit inatsisitigut tunngavissaqarnissamik piumasaqaat siunnersuutip aappassaaneerneqarneranut oqaaseqarfigeqqullugu. Inatsisitigut tunngavissaqaraluarpuallunniit ataatsimiititaliaq isumaqarpoq taamatut tapeeriaatsit ukiut arlallit nunatta karsianut pisussaaffiliisut ersarissunik malittarisassaqarnissaat qulakkeerneqartariaqartoq. Tamatumani ukiut arlerlugit aningaasanik tunniussinermi malittarisassat piumasaqaatit tunngavissallu aalajangersarneqarnissaat periarfissinneqaqqullugu – assersuutigalugu nalunaarusiornikkut.

Ilanngullugu siunnersuutip siullermeerneqarnerani aningaasaateqarfik pillugu naammagittaalliuteqarsinnaaneq oqaluuserineqarpoq. Naalakkersuisut siunnersuutaat naammagittaalliuteqarsinnaanermullu naliliinerat ataatsimiititaliap ilalerpaa imatut:

*"Aalajangiinerit aningaasaateqarfimmi aalajangerneqartut allaffissornikkut  
oqartussaasunut allanut naammagittaalliutigineqarsinnaassanngitsut*

<sup>1</sup> Eqqumiitsuliornermik ingerlatsineq pillugu Inatsisartut inatsisaat nr. 11 6. juni 2016-imeersoq

<sup>2</sup> <https://www.kunst.dk/statens-kunstfond/om-statens-kunstfond/haedersydelser/modtagere-af-haedersydelse/>

<sup>3</sup> [https://www.kunst.dk/fileadmin/\\_kunst2011/user\\_upload/Dokumenter/Publikationer/SKFpaa\\_5\\_min\\_feb2018.pdf](https://www.kunst.dk/fileadmin/_kunst2011/user_upload/Dokumenter/Publikationer/SKFpaa_5_min_feb2018.pdf)

*siunnersuutigineqarpoq. Taamatuttaaq siunnersuisoqatigiit, ataatsimiititaliat assigisaalluunniit aalajangiisuu uppata tamanna atuutissaq. Tamanna arlalinnik pissuteqarpoq. Aningaasanik aqtsineq aningaasaateqarfimmuit tunniunneqarneratigut aningaasanik agguassineri politikerit akuliutinnginnissaat siunertarineqarpoq. Aalajangiinerit allaffissornikkut aqtsisunut allanut, suliffeqarfimm politikerinit aqunneqartut ilaanni, naammagittaalliuutigineqarsinnaassappata tamatumunnga akerliussaaq.*

*Aalajangiinerit aningaasaateqarfimmit aamma qinnuteqaateqartut takkussuuttut ataatsimut nalilersuiffigineqarnerat pingaarnersiorneqarneralla tunngavigalugit aalajangerneqartut eqquumiitsuliornerni suliassaqarfinni assigiinngitsuni suliatiqut immikkut ittumik piginnaasat tunngavigalugit aalajangerneqartassasut naatsorsuutigineqarput. Taamatut piginnaasat aamma taamatut qinnuteqaatinik takkussuuttunik ataatsimoortumik nalilersuinerit pingaarnersiuinerillu naammagittaalliornissamut oqartussaasuni pigineqarsinnaanngillat.”<sup>4</sup>*

(Ataatsimiititaliap erseqqissaanera)

Tassunga atatillugu naammagittaalliuuteqarsinnaanermut periarfissamut siunnersuut immikkut attuumassuteqartoq qulaani erseqqissaanikkut ataatsimiititaliap kissaatigaa ersarissassallugu. Nalinginnaasuuvvoq naammagittaalliutit inatsisinut tunngassuteqartut ingerlaqqittumik Naalakkersuisunut naammagittaalliuutigineqarsinnaanerat, tamanna piginnaasat agguataarsimanerinik nassuiarneqarsinnaavoq. Taamaasilluni naatsorsuutigineqartariaqarpoq, Naalakkersuisut malittarisatut pingaarnertut inatsisinik ilusilersuisarput, inatsisinillu nassuaasunik nakkutilliisussanillu allaffissornikkut atorfeqartitsillutik, inatsisit malittarisassallu malinneqarnersut qulakkeerinnittusanik – inatsisitigut apeqqutitalinnik naammagittaalliutinik isumaginninnissamut piginnaasaqartunik.

Ataatsimiititaliap siunnersummik misissuinermini tusarniaanermi akissummi nr. 10.2-mut oqaaseqaat maluginiarpaa:

*“Aningaasaateqarfimmik pilersitsisoqassasoq Naalakkersuisut aalajangerpassuk eqquumiitsuliornermi kulturimilu attuumassuteqartut aningaasaateqarfimmik pilersitsinissamut suliamat peqataatinneqassapput malittarisassatullu tunngavissiueqataallutik.”*

Ataatsimiititaliap pitsaasutut isiginiarpaa, § 16-ip atuutilerneqarsinnaaneratigut attuumassuteqartut peqataatinneqarnissaat, taamaasilluni ilisimasallit ilanngussaat pingaartinneqartarnissaat naatsorsuutigineqarsinnaalluni – UKA2018/ 164-ip tunngaviusumik

<sup>4</sup> Siunnersummut nassuaatit nalinginnaasut, immikkoortoq 2.2

isumaa tassaniimmat. Aappagu kultureqarnikkut isumasioqatigiinnissamik Naalakkersuisut nalunaaruteqarnerat tassunga ilanngullugu nuannaarutigalugu ataatsimiititaliap maluginiarpaa.


#### **4. Siunnersuutip aningaasatigut kingunerisassai**

Siunnersuutip piviusunngortinnejnareratigut aningaasaqarnikkut kingunerisassai siunnersummut nassuaatini nalinginnaasuni allaaserineqarsimapput. Aningaasaqarnikkut allaffissornikkullu siunnersuut namminermi kinguneqassanngilaq. Eqqumiitsuliornikkulli aningaasaateqarfimmik pilersitsineq aningaasaqarnikkut kinguneqarumaartoq naatsorsuutigineqartariaqarpoq, taamaasilluni Naalakkersuisoqarfimmit tigumminnittumiit eqqumiitsuliornikkut aningaasaateqarfimmut nuunneqarluni.

#### **5. Ataatsimiititaliap inassuteqaataa**


Ataatsimiititaliap **isumaqatigiittup** siunnersuut akuerineqassasoq **inassutigaa**.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.




---

Peter Olsen  
Siulittaasup tullia



---

Doris J. Jensen  
Siulittaasoq




---

Mala Høy Kúko



---

Nivi Olsen



---

Sofia Geisler